

# Kia takatū ki te rēhita, ki te pōti hoki



**ELECTORAL  
COMMISSION**  
TE KAITIAKI TAKE KŌWHIRI

## He whaitake tō rēhita ki te pōti

Nā tō rēhitanga ki te pōti, ka whai reo koe i roto i ngā pōtitanga ā-motu, i ngā pōtitanga ā-rohe, me ngā tāpaetanga pōti. Ko ngā pōtitanga he wā e puta ai ō whakaaro mō ngā tāngata ka tū hei māngai kōrero i ngā take e nui ana ki a koe.

**Mā te rēhita ki te pōti e āhei ai koe ki te whakaputa i ō whakaaro.**



## Ko wai e āhei ana ki te rēhita ki te pōti?

Ka herea koe e te ture ki te rēhita mehemea:

- kua 18 tau tō pāhake, kua pāhake ake rānei koe, ā
- he kirirarau koe nō Aotearoa, he kainoho pūmau rānei koe nō Aotearoa, ā
- kua noho koe ki Aotearoa mō tētehi wā roa ake i te 12 marama karapipiti, i roto i ngā tau.

Mehemea nō Ahitereiria, nō ngā Kuki Airani, nō Niue, nō Tokelau rānei koe, ka āhei koe ki te rēhita, ki te pōti hoki mehemea kua noho koe ki Aotearoa mō te 12 marama karapipiti.

Mehemea kei tāwāhi koe e noho ana, ka āhei koe ki te rēhita mō te Pōtitanga ā-Motu 2023 mehemea:

- he kirirarau koe nō Aotearoa kua toro mai ki Aotearoa i roto i ngā tau e 6 kua pahure ake,

- he kainoho pūmau rānei koe nō Aotearoa kua toro mai ki Aotearoa i roto i ngā tau e 4 kua pahure ake.

Ā muri i te pōtitanga o 2023, ka huri ki ngā āhuatanga o mua, arā, e 3 tau mō ngā kirirarau o Aotearoa, 12 marama mō ngā kainoho tūturu o Aotearoa.

Mō ngā take pōti, he kainoho pūmau ngā tāngata he mana ā-ture ō rātou ki te noho ki Aotearoa, ā, ehara i te mea kua kīia ā-ture me wehe rātou i roto i tētehi wā tauwhāiti. Ko te korowaitia e tēnei ngā tāngata he pane uruwhenua kainoho ā rātou.

Ko te āhei koe ki te rēhita mehemea kua 17 ō tau. Hei tō huritau 18, ka rēhita aunoatia koe, me te aha, kua rite koe ki te pōti.



## Me pēhea taku rēhita?

He māmā te rēhita, te whakahou rānei i ō taipitopito. Ka āhei koe ki te:

- toro mai ki **vote.nz** ki te rēhita ā-ipurangi ki tō raihana hautū waka o Aotearoa, ki tō uruwhenua o Aotearoa, ki tō tuakiri whaimana RealMe rānei
- waea utukore mai ki **0800 36 76 56** ki te tono kia tukua atu he puka ki a koe

Ā muri i tō rēhitatanga, kua tāpirihia tō ingoa ki te rārangi pōti. Me mātua noho tō ingoa ki te rārangi pōti e āhei ai koe ki te pōti.

Me whakahou koe i ō taipitopito wāhi noho, i ia wā ka hūnuku koe ki whare kē noho ai.



## Ko te māharahara koe mō tō haumarutanga?

Mehemea ko te māharahara koe mō tō haumarutanga, mō te haumarutanga rānei o tō whānau, ka āhei koe ki te tono mai kia noho tō ingoa ki te rārangi muna matatapu. Ka āta tiakina ō taipitopito rēhita kia kore e riro i tangata kē atu.

Toro mai ki **vote.nz**, waea mai rānei ki **0800 36 76 56** ki te tono i ētehi whakamāramatanga nō, ki te tono rānei mō tō puka rēhita mō te rārangi muna.



## Ko te hiahia kia āwhinatia koe ki te rēhita?

Ka āhei koe ki te tono ki tētehi kaitautoko, pērā i tētehi hoa, i tētehi whanaunga rānei, ki te āwhina i a koe ki te whakakī i tō puka rēhita. Ka āhei hoki koe ki te tono mai ki tō mātou tīma rēhitatanga.

Māu anō te puka e waitohu.

Mehemea e mōhio ana koe ki tētehi tangata kāhore e taea e ia tana puka rēhita te whakakī, nā runga i tōna waimaerotanga ā-tinana, ā-hinengaro rānei, ka taea peangē e koe te āwhina atu.

He whakamāramatanga kei **vote.nz** mō te āwhina i tētehi atu ki te rēhita ki te pōti.



## Ko tā te Māori rēhita ki te pōti

Mehemea he Māori koe, ā, ko tēnei tō rēhitatanga mātahi ki te pōti, he kōwhiringa whaitake hei whakatau māu. Me kōwhiri koe i te rārangi pōti e hiahia nā koe: ko te rārangi Māori rānei, ko te rārangi whānui rānei. Ka pā atu tō kōwhiringa ki te rohe pōti e pōti ai koe i te pōtitanga ā-motu.

Mehemea ka kōwhiri koe i te rārangi whānui, ka pōti koe mō tētehi kaitono i tētehi rohe pōti whānui.

Mehemea ka kōwhiri koe i te rārangi Māori, ka pōti koe mō tētehi kaitono i tētehi rohe pōti Māori.

Kotahi anake te rārangi o ngā rōpū tōrangapū hei pōti māu, ahakoa te rārangi e noho nā koe - te rārangi Māori, te rārangi whānui rānei.

Ka pā atu pea tō kōwhiringa ki te tūāhua o tō pōti i ngā pōtitanga ā-rohe. Mehemea kei te rārangi Māori koe, ā, he wāri Māori tō tō kaunihera, he marea pōti Māori rānei, ka pōti koe mō ngā kaitono i roto i taua wāri Māori, i taua marea pōti rānei.

Ka āhei koe ki te whakawhiti rārangi ahakoa te wā, engari kua i roto i te 3 marama i mua i te pōtitanga ā-motu, i mua rānei i ngā pōtitanga kaunihera, i mua rānei i ētehi pōtitanga pāerotanga ā-pāremata.



## Ko te hiahia ki ētehi whakamāramatanga nō?

Mehemea ko te hiahia koe ki ētehi whakamāramatanga nō mō te rēhitatanga me te pōtitanga:

- toro mai ki **vote.nz**
- waea mai ki **0800 36 76 56**

Kei **vote.nz** he pārongo i ētehi atu reo mō te rēhitatanga me te pōtitanga.



**ELECTORAL  
COMMISSION**  
TE KAITIAKI TAKE KŌWHIRI